

Կազմված է 12 12 2020 թ.

ՏՊԱԳՐՎԱԾ Է ԸՆԴԱՄԵԼԸ 2 ՕՐԻՆԱԿԻՑ

ՕՐԻՆԱԿ Մ1

ՀԱՍՏԱՏՎԱԾ Է

ԳՐԱՆՑՎԱԾ Է

«ԱՐԴԱՐՈՒԹՅՈՒՆ ԵՎ ՀԱՅՐԵՆԻՔ»
ԿՈՒՍԱԿՑՈՒԹՅԱՆ

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՏ

« 12 » 12 2020 թ.



ԳՐԱՆՑՄԱՆ ՀԱՄԱՐ 211 / 172 1164573

ՀԻՄՆԱԴԻՐ ՀԱՄԱԳՈՒՄԱՐԻ ԿՈՂՄԻՏ

ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ



ԿՈՒՍԱԿՑՈՒԹՅԱՆ ՆԱԽԱԳԱՀ

002 32219


(պատրաստողություն)

(սկսում, ազգանուն)

« 23 » 02 20 21 թ.

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ

ԾՐԱԳԻՐ

«ԱՐԴԱՐՈՒԹՅՈՒՆ ԵՎ ՀԱՅՐԵՆԻՔ»

ԿՈՒՍԱԿՑՈՒԹՅԱՆ

ԱՐԴԱՐՈՒԹՅՈՒՆ ԵՎ ՀԱՅՐԵՆԻՔ ԿՈՒՍԱԿՑՈՒԹՅԱՆ ԾՐԱԳԻՐ

« Արդարություն և Հայրենիք»(ԱՀԱԿ) -ն իր էությունը, աշխարհայացքով և ավանդույթներով ազգային ժողովրդավարական և հեղափոխական, հայրենասիրական, քրիստոնեական, մարդասիրական, դեմոկրատական կուսակցություն է:

ԱՀԱԿ -ն իր բոլոր ուժերով պայքարում է Հայ Ազգի քաղաքական-տնտեսական, ընկերային-մշակութային բովանդակ շահերի պաշտպանության համար:

ԱՀԱԿ -ը Հայ ժողովրդի ազգային ազատագրական պայքարը հիմնավորում է իր գաղափարաբանությամբ: Նա առաջադրում է անհատի ազատություն, ազգային ինքնորոշման, անկախ պետականության, ընկերության համերաշխության և բարօրության ճանապարհով հայ մարդու և հայ ազգի անկաշկանդ, բազմակողմանի և ներդաշնակ զարգացման ապահովմանը:

ԱՀԱԿ -ի նպատակն է հայ ազգի ցեղասպանության ընդունումը, ճանաչումը և Հայաստանի տերիտորիայի վերականգնումը մինչև հայկական ցեղասպանությունը:

ԱՀԱԿ -ն ձգտում է իրականություն դարձնել ամբողջական հայրենիքի կերտումը իր պատմական տարածքների վրա, որը ձգվում է Միջերկրական ծովից մինչև Սև և Կասպից ծովերը:

ԱՀԱԿ -ի գաղափարն այնպիսի հասարակայնության կերտումն է, ուր մարդն ազատագրված կլինի ռասայական, կրոնական-դավանական, ազգային, քաղաքական, ընկերային և տնտեսական ամեն կարգի խտրականությունից, կաշկանդումից, բռնությունից և շահագործումից:

Ազգային հարստության և ռազմավարական նշանակություն ունեն մշակույթը, հողը և ընդերքը, բնական միջավայրը և պաշարները :

ԱՀԱԿ-ն ընդունում է բազմաձև սեփականատիրություն՝ պետական, հավաքական-համագործակցական և մասնավոր-անձնական:

ԱՀԱԿ -ի համար ազգը՝ իբրև պատմական-մշակութային, լեզվական և ընկերային-քաղաքական ուրույն ամբողջություն, հիմնական արժեք է և համամարդկային զարգացման ու հոգեմտավոր բազմակողմանի հարստացման էական գործոն:

Ամեն ազգի բնական և անկապտելի իրավունքը կազմում է սեփական հայրենիքը իր պատմաշխարհագրական բնօրրանը, իբրև ինքնուրույն գոյատևման, առաջադիմության և ստեղծագործության կենսական ազդակ:

Իր հայրենի տարածքի վրա յուրաքանչյուր ազգի գոյատևման երաշխիքը անկախ և իրավական պետականությունն է: Այն մարմնավորում է ազգի քաղաքական կամքը, պաշտպանում է նրա շահերը և ապահովում նրա անվտանգությունն ու ինքնուրույն զարգացումը:

Քաղաքական որևէ վարչակարգի և իշխանության պարտադրումը ազգերի ինքնորոշման կոպիտ խախտում է, բռնատիրություն է և ըստ ամենայնի, մերժելի:

Ինքնորոշման իրավունքը անժամանցելի է և ի գործու կլինի նույնիսկ այն ժամանակ, երբ բնագաղթով կամ ցեղասպանությամբ ազգը դուրս է մղվում իր հայրենիքից: Ազգը բնաջնջելու ամեն փորձը հանցագործություն է մարդկության դեմ: Բոլոր ազգերի անժխտելի իրավունքն է ազգային ազատագրական պայքարի ճանապարհով և նպատակահարմար այլ միջոցներով տապալել ամեն կարգի բռնապետություն:

ԱՀԱԿ -ն խրախուսում է ժողովրդավարությունը:

Ժողովրդավարությունը խրախուսվում է մարդկային և քաղաքացիական իրավունքները և ազատությունները հարգելով: Այն օրենքով պաշտպանում է

բազմակուսակցությունը և խոսքի, խղճի, մամուլի, ստեղծագործելու և աշխատանքի լիակատար ազատությունը:

Ժողովրդավարությունը հատկանշվում է անհատի ազատ և հավասար քվեի իրավունքով և ազատ քաղաքացիների՝ օրենքի առջև հավասարությամբ: Այն ապահովում է ժողովրդի կամքի անկաշկանդ արտահայտությունը և ժողովրդի ամբողջական ու լիարժեք մասնակցությունը քաղաքական, ընկերային, տնտեսական ու մշակութային կյանքին արդյունավետ հիմքերի վրա դնելով ժողովրդի և պետության փոխհարաբերությունը:

ԱՐՀԱԿ -ն խրախուսում է Քրիստոնեությունը՝ որպես կրոն: Խրախուսում է հավատքը դեպի Աստված, քանի որ Աստծո օգնությամբ է որ, որ պետք է հասնենք մեր նպատակների իրագործմանը: Մարդն իր հավատքով դեպի Աստվածը կարող է հաղթահարել ամեն մի արգելք: Ամեն վարկյան պետք է հիշել Աստծուն և խնդրել նրան իրագործելու մեր նպատակները, երազանքները, մեր և մեր սերունդների երջանիկ լինելը, վերածնված Մեծ, Հզոր Դրախտային Երեք ծովերի քաղաքակիրթ Հայաստանում:

ՊԱՏՄԱԿԱՆ ՀԻՄՆԱՎՈՐՈՒՄ

Հայաստանը (հայ ազգի հայրենիքը) Մերձավոր Արևելքի ամենահին երկրներից մեկն է: Նա տարածված լինելով Սև, Կասպից և Միջերկրական ծովերի միջև, կազմում է ինքնատիպ լեռնաշխարհ: Այնտեղ կազմավորվել և հազարամյակներ ի վեր անընդմեջ բնակվել է հայ ժողովուրդը՝ կերտելով պատմություն, քաղաքակրթություն և ազգային նկարագիր:

Հայության ընկերային և ազգային կյանքի բնականոն հոլովույթը ընդհատող շրջադարձային երևույթը կազմեց այն իրողությունը, որ հատկապես թուրանական ներխուժողները ոչ միայն ավերեցին երկիրը, այլև մեծ քաղաքականությամբ հաստատվեցին Հայաստանում:

Նրանք փոխեցին Հայկական լեռնաշխարհի ազգային միատար նկարագիրը, դարեր շարունակ կասեցրին հայ մշակույթի ու քաղաքակրթության առաջընթացը և հայ զանգվածներին ենթարկեցին ջարդի ու բռնազաղթի, որի հետևանքով առաջացան հայկական հոծ գաղթօջախներ: Այս ընթացքը շարունակվեց օսմանյան տիրապետության ամբողջ շրջանում և վճռական հետևանքներ ունեցավ հայ ժողովրդի ճակատագրի և Հայկական Հարցի բնույթի ու հոլովույթի վրա:

Օսմանյան բռնությունների հետևանքով և հայության գույգ հատվածների, մտավոր գարթոնքով եկավ Հայկական Հարցի սկզբնական ըմբռնումը, որ պահանջում էր հայության մարդկային տարրական իրավունքների հարգում: Օսմանյան պետությունը ոչ միայն չընդառնեց հայ ժողովրդի պահանջներին, այլև նոր բռնություններ իրականացրեց:

Ինքնապաշտպանության տարերային մղումով ապստամբություններ բռնկվեցին Արևմտյան Հայաստանի տարբեր շրջաններում:

Հայ ազգային ղեկավարության ջանքերի շնորհիվ և Օսմանյան Թուրքիայում մեծ պետությունների հետապնդած քաղաքական ու տնտեսական շահերի հետևանքով Հայկական Հարցը ստացավ միջազգային բնույթ: Սակայն միջպետական ներհակ շահերի բերումով Հայկական Հարցի լուծման ուղղությամբ տարված ջանքերը մնացին ապարդյուն:

Օգտվելով Առաջին աշխարհամարտի առիթից՝ պետական բռնադատմով Օսմանյան պետությունը ձեռնամուխ եղավ Հայկական Հարցի արմատական լուծմանը 1915-ին սկսած Հայկական Ցեղասպանությամբ:

Հայության տեղահանության ու ամբողջական բնաջնջման այս քաղաքականությունը շարունակվեց Թուրքիայի կողմից մինչև 1923թ. Արևմտյան Հայաստանը հայաթափեց և ամբողջությամբ անցավ Թուրքիայի տիրապետության տակ: Արևելյան Հայաստանը մասնատվեց:

Արդահանի, Կարսի մարզերը անցան Թուրքիայի տիրապետության տակ, Գանձակի, Լեռնային և Դաշտային Արցախի տարածքների վրա անառակ բոլշևիկյան կուսակցությունը անառակ Լենինի նախաձեռնությամբ ստեղծեց ադրբեջանական պետությունը, և ազգը, որը մինչ այդ երբեք գոյություն չի ունեցել:

ՆՊԱՏԱԿ

ԱՐԶԱԿ -ն նպատակադրում է.

Ա. Ազատ, անկախ և Միացյալ Հայաստանի նահանսների մեջ պիտի մտնեն Սևրի դաշնագրով նախատեսված հայկական հողերը, ինչպես նաև Արցախի, Ջավախքի և Նախիջևանի երկրամասերը, և մյուս Հայկական տերիտորիաները, որոնք մնացել են Թուրքիայի կազմի մեջ:

Բ. Թուրքիայի կողմից հայության դեմ գործադրված և մինչև այժմ անպատիժ մնացած Ցեղասպանության ոճիրի միջազգային դատապարտում, բռնազրավված հողերի վերադարձ և վնասի արդար հատուցում:

Գ. Տարագիր ու աշխարհասփյուռ հայության համախմբում ամբողջական Հայաստանի տարածքում:

Դ. Հայաստանի պետականության հզորացում, ժողովրդավարության և իրավական պետության նվիրագործում, ժողովրդի բարօրության ապահովում և ընկերային արդարության հաստատում:

Ե. Հասնել Հայ մարդու՝ որպես լավագույն տեսակի կերպարին: Հայ մարդն իր ազգային խնդիրները լուծելուց հետո, պետք է նպաստի մարդկության բարգավաճմանը: Յուրաքանչյուր Հայ այնքան լավ բաներ պետք է անի մարդկության համար, որ բոլորը գլուխ խոնարհեն, երբ որ անցնի հայը:

ՔԱՂԱՔԱԿԱՆ ԱՌԱՋԱԴՐԱՆՔՆԵՐ

1. Ապահովել յուրաքանչյուր հայ անհատի Հայաստանի քաղաքացի դառնալու իրավունքը:

2. Ապահովել յուրաքանչյուր հայ անհատի Հայաստանի եռաքաղաքացիության ընդունելու իրավունք:

3. Հայաստանի օրենքները պետք է ներառեն հետևյալ հիմնական սկզբունքները.

Բոլոր քաղաքացիների հավասարությունը օրենքի առջև:

-Մտքի, խոսքի, ստեղծագործելու, մամուլի, հրատարակության և արտահայտության այլ միջոցների, խղճի, քաղաքական և այլ կազմակերպությունների գործունեության, հավաքների և տեղափոխության ազատություն:

-Գործադուլի և ցույցերի իրավունք:

-Անձի բնակարանների, սեփականության և հաղորդակցության միջոցների

անձեռնմխելիություն:

-Կրթական համակարգը, ինչպես նաև մշակութային և հոգեմտավոր զարգացման հիմնահարցերը դարձնել պետական քաղաքականության առանցքային բնագավառներից մեկը:

-Բնակչության անվճար բուժսպասարկում:

-Անվճար բարձրագույն կրթություն:

-Զարկ տալ Հայ եկեղեցու և հայ ընտանիքի դերին ազգային դիմագծի պահպանման գործում:

-Ազգային փոքրամասնությունների իրավունքների հարցում:

ՏՆՏԵՍԱԿԱՆ ԾՐԱԳԻՐ

1. Զարգացնել Հայաստանի տնտեսությունը, այն հասցնել այնպիսի երկրների մակարդակին, ինչպիսին են Բելգիան, Տայվանը, Հոնկոնգը, Մինգապուրը:
2. Ապահովել Աշխարհում ամենացածր հարկերը:
3. Ապահովել սննդի, էլեկտրաէներգիայի, գազի ամենացածր գները, խմելու ջուրը լիմիտավորել և դարձնել ձրի, ոռոգման ջրի գինը իջեցնել երեք անգամ:
4. Զարգացնել էլեկտրատեխնիկան, էլեկտրոնիկան, ռազմական արդյունաբերությունը:
5. Հինգ տարով ազատել այն ձեռնարկությունները, որոնք առաջին անգամ Հայաստանում կսկսեն նոր արտադրատեսակների արտադրությունը, իսկ տեքստիլ-տրիկոտաժի և կոշիկ արտադրող ձեռնարկությունները բոլորովին ազատել հարկերից:
6. Զարգացնել տուրիզմը:
7. Զարգացնել գյուղատնտեսությունը:
8. Բոլոր կերպով զարկ տալ շինարարությանը:
9. Թույլ տալ բոլոր հողատարածքների սեփականատերերին կառուցել մինչև 3 հարկանի առանձնատներ առանց թույլտվության, ինչպես Ռուսաստանում:
- Բ. Երեք հարկից ավելի բոլոր տեսակի շենքերի շինարարությունը թույլ տալ 3 ամսում, ինչպես Շվեյցարիայում:
- Գ. Երեք տարով ազատել հարկերից բոլոր նորակառույց ձեռնարկությունները, ինչպես Չինաստանում:
9. Բացառել գեր շահույթը, որը կարող է թանկացում առաջացնել:
10. Կիրառել «Պետությունը հարուստ է, եթե հարուստ է ժողովուրդը», «Մեկ ազգ-մեկ ընտանիք», «Անկախ, Դրախտային Գերիզոր Հայաստան» լոզունգները:
11. Քաջալերել պետության հովանավորությունը և հսկողությունը ի նպաստ ռազմավարական նշանակություն ունեցող արտադրական ճյուղերի զարգացման, բնության և կենսոլորտի պահպանման, աշխատանքի ապահովման, ինչպես նաև բնակչության ժամանակակից չափանիշներով անհրաժեշտ կարիքների բավարարման:
12. Մասնակցել միջազգային տնտեսության այն գործնթացներին, որոնք ճանաչվում են Հայաստանի տնտեսական զարգացման խնդիրներով: Տարածաշրջանային և

համաշխարհային տնտեսության հետ համարկումը պետք է իրականացվի այնպես, որ չվնասվեն ազգային շահերը, հայ ժողովրդի մշակութային նկարագիրն ու ինքնատիպությունը:

13. Հայաստանի տնտեսության բարգավաճումը և ազգային ինքնությունը զարգացումը ապահովելու համար կարևոր երաշխիք է աշխարհասփյուռ, հայ ժողովրդի ներուժի լիարժեք օգտագործումը:

Գլոբալ քաղաքական տնտեսական ծրագիր

1. Ապահովել յուրաքանչյուր մարդու անվտանգությունը,
2. Պաշտպանել մարդու իրավունքները,
3. Պաշտպանել անհատի ունեցվածքը,
4. Պայքարել մարդու հավերժ կյանքի համար,
5. Ոչնչացնել աղքատ, աղքատություն բառերը,
6. Պաշտպանել՝ բոլոր մարդիկ եղբայրներն են լոգունգը,
7. Պայքարել այն բոլոր տեսակի գաղափարների դեմ, որոնք կոչ են անում վերացնել այլ հավատք, գույն ունեցող մարդկանց,
8. Երկրագունդը մեր մեծ տունն է, և այն պետք է պաշտպանել ամեն տեսակի վտանգներից,
9. Ստեղծել այնպիսի հասարակություն, պետություն, որտեղ մեր երեխաները բոլոր հանգամանքների դեպքում այն է՝ անկախ իրենց դիրքից ու ունեցվածքից չեն ունենա պրոբլեմ,
10. Օրենքները կիրառել վերևից ներքև,
11. Պետության ղեկավարը պետք է լինի օրինաչափության էտալոն,
12. Ապահովել խաղաղություն ինչպես երկրագնդի վրա, այնպես էլ տիեզերքում
13. Ամեն ինչում ունեալ չափի զգացմունք, այն է չափով ուտել, չափով խմել, չափով ման գալ, քանի որ այս ամենի անչափը տանում է դեպի կործանում,
14. Դրախտը ստեղծել Հայաստանում և այն տարածել ամբողջ աշխարհով, ինչպես քրիստոնեությունը,
15. Մեկ երկրագունդ մեկ ընտանիք գաղափարը իրականություն դարձնել: